

Carlstadt.

von <sup>o o</sup>Abtassung des  
Eylens.

Wittenberg, 1522.

J 4

4960

90  
Rm

af 2421<sup>h</sup> (1911)

Weller ~~1021456~~

Rinder 5493 n 57. af 2572







Von abtuhung der Bylder/  
Vnd das keyn Betdler  
vnter den Chris  
sten seyn sol  
len.

Carolstatt in der Christliche  
statt Wittenberg.

1522.

Dem Edeln vnd wolgeborn hern Wolff schlyck  
Grauen zu Passau hern zu der Weyssentir  
chen / Klenbogē / vñ falckenaw / meynē  
gnedigem herin vnd patronn  
Wunsch ich gottis gnad /  
frid / vnd frohligkeit vor  
anbietung meiner  
willigē gehor  
samen vñ  
vnuerdrossen dinsten.

Edeler wolgeborner / gnediger her / E. g. gebe ich zuer  
kennen / das der almechtig lebentig / vñ starck gott / vn  
serer regenten hertze erweigt / vnd sein werck in yenen ge  
wirckt hat. Also das sie freytags nach Sebastiani / eyn  
notliche reformation / vnd ein alten loblichē Christlichē  
gebrauch / vorgenhomen haben. Nemlich das hynfuro  
die Messe einheilliger weis vñ form in yrer pfarre. soll ge  
halten werden. Zum andern / wollē sie die betrugliche  
bilder vnd Olgezen wegnhemē vñ abthun / welche lang  
zeit vff den altaren gestandē / wende / hohe / lust / vñ vil  
stell der heusser gotis frenelich besessen vñ ingehabt habē.

Darnach haben sie beschlossen (alles in beysein vnd zu  
thun vnser etlicher) das hynfuro keiner alhie nach brot  
darff lauffen / es soll ouch kein Bettler hie erhalten werdē.  
Arme leuthe wollen sie williglich neren. Aber Bettler mo  
gen sie nit mehr leyden. Sie hoffen ouch / nach verfas  
hung gemelter dreyer artickell / noch mehr Christliche stu  
cke furzunhemē / vnd das beste auff zebrenge / vnther  
welchen / diser / hoch von noten ist / das Christliche obir  
keit / auß eygner Christlicher pflicht vnd bewegnis / ernst  
lich vñ emsig auff sehen sollē habē / vff Witwen / Wese /  
vñ andere vberdrenckte personē. Sie vor gewalt vñ vn  
recht zu verhütē / vñ wu yhn etwas schadēs / vñ ymands  
an leib oder gut zugebracht / die yene / gestrenglich zu stra  
ffen / so den bedrengten iniuriert haben. Disser artickell

22, 44 27



wirt (gotwil) auch fürgenommen / als eynes / der warhafftige vñ Christliche ordenung erhelt / on welche gott kein gebeth / ader vermeint gut werck ye gefallen hatt.

Gnediger her / die weil aller welt ougen / vff vns sehen / vñ vñsere werck vñnd leben betrachten. Etliche vorbild vñd exempel zehaben. Etliche nach reed zu erdencken / wie gottliche sachen ye vñ ye nach reed gehört habē.

Demnach / wyl ich E. g. von den zweyen letzten articckeln Christliche vrsachen ( auß gottlicher vñ vnberryglicher schriffte genhummē ) furlegen. Vñd anzeigen das des Erbar vñ achtbar raths fürnhemē eherlich / vñd gottlich ist / dem alle Christen sollen nach volgig werdē / ehere / vñd lobe / nachsagen. Den ersten articckell wie ehr mir gefelt / hab ich / ym buchlin von dē Herlichen abendessen / zum teyll endeckt. Drumb wil ich nicht von der Euāgelischē Messe yzo schreibē. Vñd hoff die Christen werdē nit ein klein frucht aus diesen beydē articckeln schopffen / vñd das E. g. mein bereit vñd gewertig gemüth E. g. nach meynem hochsten vormogen zu dienen auch durch diß zuschreiben werden vermerckē. Da zu ich E. g. geboten mich hiemit erbiet zu vnthergeben. Meinem g. hern Christoffel wunsch ich alles gut durch Christum amē. Datū Wittenberg Montags nach

Conuersionis Pauli ym xxii. J a r.

E. G. diener      Andres Bodenstein  
von Carolstatt.

### Von abthuhung der Olgotzen.

i Das wir bilder in Kirchen vñ gots heußer habē / ist vnrecht / vñd wider das erste gebot. Du solst nicht frombde gotter haben.

ii Das geschnitze vñd gemalthe Olgotzen vff den altarien stehnd ist noch schadelicher vñd Tewffellischer.

iii Drumb ist gut / notlich / loblich / vñ gottlich / das wir sie abthun / vñ ire recht vñ vrteyl der schriffte gebē.

A ii

Gots herwser / seind herwser / daryn gott allein geheret /  
angeruffen / vñ angebet soll werdē. Als Christus spricht  
Mein hauß ist ein hauß des gebets / vñ macht ein grubē  
der morder daraus / betrüglich bilder ermordē alle yre an-  
beter vñ breyßer / als geschriebē steht. Sie seind got fre-  
mbd / vnd voller schand beschutt / vñ greulich geworden  
wie die ding / welche sie gelibt haben. Osee. ix. Wir kon-  
den ye nit leucken / das wir die genante heyligen in die kir-  
chen auß lieb gestelt haben / hetten wir sie nit geliebet / so  
hetten wir sie nit dahyn gesetzt / do gott allein soll wonen  
vñ herßen. Werē wir yhn feind gewesen / wir hettē sie mehr  
geflogē dan angenumē. Unser tath vberzeuget vns dz  
wir bylder geliebt / haben wir nit yhn die ehre erzeicht /  
die wir grossen hern erzeygen vñ zu messen? War vmb  
habē wir sie mit Sāmot? mit damast? mit silberin? mit  
guldin kleydern lassen malē vñ ferbē? warumb behenckē  
wir sie mit gulden kronen? mit edeln gesteynen? vñ tuhn  
yhn das zu ehren vnd lieb / das wir vnsern kindern / wei-  
bern / eltern / obirsten fursten vnd hern nit gern geben?  
weht kan vns nur glawben / so wir sagen. Wir habē die  
Olgotzen / geschmitzte vñ gemalte bilder nit lieb? so vns  
vnserer geberde vberwyndten? Got hasset vnd neydet  
Byldnis / wie ich sagen werd / vñ acht sie fur ein grawell /  
vñ spricht / das alle menschen in seynen ongen sollē sein /  
wie die ding / welche sie lieben. Byldnis seind greulich.  
volget / das wir auch greulich werden / so wir sie lieben.

Also wurgen sie yre anbetter oder eher geber. Drumb  
mogen vnserer tempell billich morders gruben genent  
werden / das vnser geyst in yenen ertodt vnd erschlagen  
wirt. Der Tewffel lone dē Bepsten / die vns also tot-  
ten vñ wurgen. Ehs wer tausent mall besser sie stundē  
yn der hell oder fewrichtē offen / dan in gotis herwsern.

Ehu hore furth eygenschafft vnd vrsprungē des er-  
bawten gottis hauß. Salomon sagt also. Dein hauß  
o gott / ist allein der halben gemacht / auff dastu ansehst



das gebeth deynes knechts / vnd annhemst die bitth / so  
ehr vor dir außschutt / vnd thuest deyne ougen tag vnd  
nach auff vber das hauss / darin deyn nham soll angerufft  
werden. ii. Paral. vi. 3. Regū. viii. der gleychen stueck  
ergelt Salomon vil / die gott eyniglich sollen zugeaygt  
werden. Das ich mich in sonderheit vast verwunder.

Wie got vnser grosse bosheit hat gedult vñ erlidē bis her.

Sih gottis hauss ist der wegen gemacht / das ehr allein /  
in dem selben soll herschen / vñ seyne ougen als ein helffer /  
vff vnß nordurfftig auffthun sall. Item das got allein  
angebett soll werden. Item das gottis nham allein soll  
angerufft werden. Ich wolt gern sehen was wir den  
warhafftigen Christen konten antwurten / oder den Jü  
den / die verstand der Bibliem haben / aber gott / dero  
vns seyne lahe durch den heiligen geyst geben hat / wan  
sie oder ehr fragten. Wie bistu so durstigt / dastu bilder  
vnd Olgotzen in mein hauss lassst stehn t Wie darffest du  
so kun vnd keck gesen / dastu dich in meynem hauss legen  
Bildnis neygest vnd buckest t welche mensche hende ges  
chaffen haben t diese ehre steht mir zu. Du zundest  
yhn lichtlin an. Vnd du soldest mir das thun / so du ye  
licht wilt brennen oder bernen. Du brengest yhn wich  
sen opffer / in gestalt / deiner krancken Bein / arm / ougen /  
kopff / füeß / hend / küh / kalber / ochsen / schyff / hauss / hoff /  
ecker / wissen / vñ der gleichē / gleich als hetten dir solche  
Bildnis gesunde Bein / arm / ougē / kopff zc. gemacht / oder  
hettē dir ecker / wißē / heußer / ehre / gut / vñ hab bescheert.

Also bekent yr fromde gotter. Ich mach euch gesund  
vnd yhr. Ich hab sie ernereht / vnd in meinen henden  
getragen / vnd sie haben mir gewist / das ich sie gesund ge  
macht vnd yrer sorg ertragen hab. Osee. xi. Ich hab  
sie erlost / vnd sie haben lügen wider mich gereht. Ich  
hab sie gelereth vnd yre arm starck gemacht / vnd sie er  
dichten / bosheyten wider mich. Osee. vii. Ich hab  
sie ernereht vnd hochgemacht / aber sie verachtē mich.

Och erkand seinen Besizern / vnd der langsam Esell die  
Krippen seines hern. Aber Jsrahel ( das ist mein volck )  
kond mich nicht / vñ mein volck versteht nit was ich ym  
guts gethan hab. We dem sundige volck 2c. Esai. i.  
Ich kan nit leucken / ich muß bekennen / das got in allem  
rechten / wider vnßere vermeinte Christen magt sagen /  
das ehr zu den Jüdē gesagt. Dan sie lauffen zu dē Ol  
gotzen wie kreheln vnd raben nach einē Oße / vñ zu einē  
toden schelmē fliehen. Sie suchen sie in sunderlichē stelle.  
als in der Marck / ym Grymtalh / zu Rom / vnd der gley  
chen. Bregē yhn schyff / silber / golt / wachß / vñ gut / als  
yren gottern / die sie erloset haben / die sie verhutt haben /  
vñ seind vil blinder den der Ochß zu Leipzig oder Esell  
zu n. n. die doch erkennen was vnd von wē yhn  
guts geschicht. So ruffen sie Olgotzē an / in gotis hauß  
vnd suchen gesunheit / hilff / vnd rath / von vnßynigen  
narren. Vnd schmehen got also in seinen haus / das ein  
wichtige gnugsame ursach wer / sie auß den kirchen zu  
schleppen. Laß es was sein / das maniger sein kappē ab  
nimbt / die ehr auff behielt / wan seyn geschaffner got nit  
ym weeg wer. Ich achts nit gering das sie knye bigen  
vor den heiligen. darvon wirt volgend gesagt.

Das ehrliche halthung der bildnis. wider das erste gebot  
ist / sol keyner von mir / sonder auß der schrift lernē. Exo.  
am xx steht also geschriben. Du solt nit frombde gotter  
haben. id est. Du solt gottis gütikeit / hilff / gnad / barm  
herzikeyt / vnd endthaltung / nymand anderß / dan dem  
gerechten got zu erkennē. Das lerne durch eyn exempell  
Got hat die Juden aus Aegypten gefurt / vnd aus dem  
kerker der dinstarkeit erloset / die selbige gutheit solten sie  
keinē frombden got zu gemessen haben. Aber sie machtē  
yen ein kalp / vnd sagten. Das seind die gotter Jsrahel /  
welche dich aus Aegypten haben gefurt. Exo. xxxii.  
Das kalp was ein frombder got / das die Juden nit het  
erloset / vñ sie sprachē doch. Es heite sie aus egypto gefurt

Szo machen alle menschen frombde gottes / wan sie empfangen woltath ymand anders zurechnē / dan dem warhafftigen got. Das ist / des sich got yn der schrift vil malß beklagt / wie ich oben gesagt hab. Das ist das got Israhel furwurfft / das sie yene einē konig erweltē i. reg. 8. & see. 13.  
¶ Es kan ym eyner eynē mensche zu eynē frombdē got machen. Es kan sich ym eyner selbst fur eynē frombden got auffwerffen / als geschriben steht. Vermaledeyheit ist dero / welcher hoffnung yn eynen menschen setzet / vnd macht starck seinen arm. Widerumb gebenedeyheit ist dero in got hofft / welches hoffnung der her ist. Ziere. 27. Das ist eyn ursach das sich Propheten offtmalß bedingē. sagende. Ich werde kein hoffnung vff meinē bogen setzē Mein schwert wirt mich nit selig machen. Ir solt nit in die furstē vertrauhē / das thun sie derhalbē dz sie keynē frombden got wellen machen / das sie keyn bild yn yrem hertz wollen haben / sie wollen den allein bekennen / der vnverbildlich ist. Dan gott kanß nit leyden.

Der wegen saget got bald darnach (als ehr das gebot gab. Du solst nit fromde gottes haben) Du solst kein geschnitzte oder gehawbē bild machen. Du solt kein gleichnis machen / das oben / ym hyemel ist / oder das vntzen in der erden ist / oder das ym wasser ist. Du solst sie nit anbeten. Du solst sie nit eheren. Ich byn dein gott / ein starcker vnd rachsamer gott / ein eufferer / dero bosheiten der vetter in yren Sonen strafft. Exo. xx.

Sih wie got allerley bilder verbeut / darumb das menschen leichtfertig seind / vnd gneigt / sie anzubeten. Derhalbē spricht got / du solt sie nit anbettē / du salt sie auch nit eheren. Damit verbeut got alle ehererbittung / vnd bricht der papistē schluffwinckell / welche allerzeit durch yre behendigkeit / der schrift gewalt thund / vnd machen schwarz / das weiß ist / bosß das gut ist. Ob einer dorfft sagen. Ja ich bette die bilder nit an. Ich thun in nit ehere von yren wegen / sonder vō der heiligen wegen / die sie se

derwen. Antwort gott kurzlich vnd mit lichten wortē.  
Du salst sie nit anbettē. Du salst sie nit eherē. Glosiers  
wie du kanst/du salt sie stracks nit anbeten/du salst kein  
Knye vor yhn byegen/du solst kein licht vor yhn anzun-  
nen. Wan ichs haben wolt. spricht gott. dastu mich/  
oder meine heiligen/solst in bildnis eheren/ich wolt dir  
nit verbotten haben/bildnis vud gleichnis zumachen.

Ich wil ich beweisen/das Christen bekennē müssen  
das sie yren Olgotzen ehre geben. Ursach. das sie vor ye-  
nen ( von wegen/ der vorstorben heyligen mēschen ) sich  
krumen vnd biegen/damit wil ich vestiglich beschliessen/  
das sie/dē bilden ehre erzeigen. Dan wan ich einē mar-  
schalck ehre geben teht/vō wegen seines fursten/so ehre  
ich yhn vnd seinen fursten. Den diener als einen furst-  
lichen diener/vnd den fursten zuuor an. Ehs ist auch  
keiner leuckē/das im/als einē diener/eygē ehre beschicht.  
Also wen ich ein bild ehre vō gottis wegē/so ehreichs  
doch warhafftiglich/das got verbotten hat.

Ich wil ich ferner fragen. Ist das ein kleine ehre/das  
wir bilder/heyligen nhennē? Wen wir vns recht end sin-  
nen wolten/wurden wir befinden/das wir/der warhaff-  
tigen heiligen/ehere/nyder biegen thun/vñ legen sie auff  
yre betrüglich bildnis/darumb nhennē wir bilder/heili-  
gen/geb yhn also heiligkeit.

Ferner. Keiner kan verneynen/dan das ein groß ehre  
ist/anff den altaren zu stehn. Ja der Babst achts fur ein  
solche ehre/das chr keinen frumē Leyhen gestatt/vff einē  
altar zuligen oder stehn. Ehs ist warlich vil/vnd hoch-  
lich eherē/wan du yemand do hinstellest/da der leib Chri-  
sti gehandelt ist/da got allein soll angeruffen werdē/das  
got zu sonderlichem lob/zu eygner ehrerbittung auffge-  
richt ist.

Die altahr seind der halben erfunden/das man vff yhn  
gottis nhamē soll anruffen/yne vff yhn allein opffer/vñ  
ehere

ehere geben soll. Szo hat Nohe seinen altar gebawett  
gene. viii. Szo Abraham. gene. xii. Szo Moyses. Exo.  
xxvii. Szo hat got vrsachen der althariē angezeigt. Exo.  
xx. Das sein nhom gebreist/ vnd ym opffere sollen geben  
werden/ die eyner ye opffern wolt. Diffe ehere. gebē wir  
den olgozen/ wan wir sie vff althar stellē vñ vor yen lich  
tlin anzunnē. Wan wir sie anruffen/ vmb irer heiligen  
willen. Alles das wir vff altharien handeln/ sollen wir  
gott thun. Deu. xxvii. Drumb ist's ye nit muglich. das  
wir sie vff den althariē haben/ vñ wollen leuten/ das wir  
sienit eheren.

Die weill nhun altariē/ yn anruffung des nomē gottis  
yn sonderheit auffgericht seind/ ist's vll teuffelischer/ das  
man der heiligen bilder vff althariē stellet/ dan an me-  
ren nagelett/ wie der ander artickel ob meldet.

Gregorius der Papsst/ hat seiner bestlicher artt nit  
vergessen/ vnd den bildern die ehere geben/ die got seinem  
wort geben hat/ vnd spricht/ das bildnis/ der Leyhen  
bucher seind. Ist nit das eyn recht bestlich laher.  
vnd teuffelisch zugebung? Das die schefflin Christi ver-  
botten vñ betrugliche bucher oder exēpel mogē gebrauchē  
¶ Christus spricht Mein schefflin horen meine stum.  
Ehr sagt nit. Syc sehen meine/ oder der heyligē/ bilder.  
¶ Gott spricht. Meineschesslin/ seind schesslin mei-  
ner weyd/ das ist meiner laher/ nit meiner bilder.  
¶ Moyses spricht. Ihr solt ewre kindern gotis wort  
von yugend auff leren. ¶ Aber Gregorius spricht. Die  
Leyhen sollen bilder gebrauchen/ fur bucher. ¶ Sage  
mhyr lieber Gregori/ oder laß mirs ymand sagen. Was  
kunden doch leyhen auß bildern guts lernen? Du must ye  
sprechē/ das man eytel fleischlich leben vñ leyden darauff  
lernet/ vñ das sie nit weider furen dan yns fleisch/ ferner  
mogen sie nit brengen. Exemplum/ Auß dem bild des  
gecreusigten Christi lernestu nicht/ dan das fleischlich ley-  
den Christi. wie Christus seine heubt geneigt/ vnd der

gleichē Ihu sagt Christus / das sein eygē fleisch nit nutz  
sey / sonder dz der geist / nutz sey vñ lebēdig thun machen.  
Szo spricht auch Petrus. Das Christus / worte hat ge-  
habt / des ewigen lebens vnd gaistes. Dieweil nun dye  
bilder stum / vnd taub seind / konden weder sehen noch ho-  
ren. weder lernē oder leren. vñ deuten / auff nichts anders  
dan vfflauter vnd blos fleisch / das nicht nutz ist. Vol-  
get vestiglich. das sie nicht nutz seind. Aber das wortt  
gottis ist geystlich / vnd allein den glaubigen nutze.  
Drumb ist nit war / das bilder / der Leyhen bucher seind.  
Dan sie mogen kein seligkeit aus yhn lernē / vñ gar nichts  
aus bildern schepffen / das zu der seligkeit dienet / oder zu  
Christlichem leben notlich ist. Ich welt nit groß nemen  
vnd den bildern soliche ehre zumessen / die Gregorius sey  
nen olgorzē zulegt. Ich mercke aber / warumb die Bestē  
soliche bucher den Leyhen fur gelegt haben. Sie haben  
vermerct / wan sie die schefflein / yhn die bucher furten /  
yhr grempell marckt wurd nicht zunehmen. Vnd man  
wurt wellē wissen was gotlich oder vngotlich. recht oder  
vnrecht ist. Paulus spricht. Das wir yhn der laher  
Christi sollen bleiben / so rurnett sich Christus das er sei-  
ne Jungern seines vaters sermon gelet hab. Ioan. xvii  
Sie haben keynes bildes nye gedacht.  
Christus spricht auch / das die warheit letig macht vnd  
seine Junger macht. Ioan. viii. Das kan kein bild thun.  
Drumb ist gleich so vil gesagt. Bildnis seind der Ley-  
hen bucher / als hette er gesprochen. Die Leihen sollē kein  
Junger Christi sein / sollen auch nymer frey werdē vns  
teuffels panden / sollen auch nit in gotlich vñ Christlich  
wesen kumen. Paulus der leret auch / das wir kein ge-  
meindschafft mit dē solhen habē / die bildnis eherē. i. Cor.  
v. vñ spricht noch eines. Ir solt die bilder nit eherē. Ir  
solt fliehē vor ehererbietūg der bildnis. i. Cori. x. Sih wie  
Paulus eere erbietūg der bilder hasset / vñ wie wir nichts  
gemeine mit denē sollē habē / so bilder eherē / ap sie die sel-  
be gleich nit anbetten.

Ja sagen sie. Paulus spricht / das Bilder nicht seind. i. Co. viii. Wir wissen auch wol dz sie keine gotter seind / vñ das nur ein got ist. Antwort. Wolt got / das / dz die yone hertzlich wisten / die bilder fur bucher gebrauchen / das ich nit glaubē kan. Horestu aber ouch nit / das Paulus spricht das wir fliehen sollē / vor eher erbitung der bilder? Weistu nit / das Paulus spricht / die solche ding thun / die werden nit selig. Wie kanstu Leyhen selig machen / wan du bildnis / disse ehre gebst / die got seynē wort allein hat geben? Wan du sie in der stell haldest / darynne gott allein soll geeret vnd angeruffen werden? Ich wil dir dein hertz / o Pfaff / o Monich / bald rüren / vñ beschliffen. dastu an bildern klebst / vñ hast eynen warhafftigen abt? got an dem bild das menschen hende gemacht haben.

Jetzo solstu endlich auch das eyn nhemmen. Das ich gar nicht rhaten kan / das sich die tod francken an geschmizte oder gemalt Crucifix haltenn. Ursach / das sie zu nicht dienen / wie gesagt / vnd konden dē francken nicht weider brengē / dan an fleischlich leyde Christi / das zu nicht nutz ist / als Christus selber spricht / das fleysch ist nicht nutz Joan. vi. Das gefelt Paulo nicht dastu Christum nach dem fleisch erkennest. Drumb spricht ehr. wir kennē Christum nit nach dē fleisch. Aber vnser bildpreisser wellen den leyhē Christum ym fleisch zuerkennē gebē / das nicht nutz ist. sie wellen lieber leren. wie Christus gehangē hat. dan warumb er gehenckē ist. Seinen leip / bart vñ wundē leren sie. Die krafft Christi leren sie gar nit. On die krafft Christi wirt nyemand selig. On leylich gestaltt Christi werdē vil tausent selig das fur eins. ¶ Fur das ander sag ich das bilder ingemein / verbotē / vñ Prophetē wider bildnis gepredigt haben / Abuck. 2. spricht got. Weh dē dero zu dem holtz spricht. Wach auff. Vnd zu dem stilschweigenden stein sagt. surge. stehn vff. Wie kan ein holtz oder stein lerenn? Ehr ist woll mit silber oder golth gezyrtt / aber keyn geyst ist yhn yhm. Abatuck. ii.

Sih da/ wie got die yene/ mit we vñ we besprengt/ die zu  
eynem holz sagen. Wach vff. Das ist bald gesagt wan du  
andacht zu eynem holz hast. Auch spricht got. We/ dē  
dero spricht zu eynem steyn. Steh vff/ das ist/ kum mir  
zu hilff. Das sagen die narren zu dē todtranccken mensche  
wan sie yn tods stricke zappeln. Sagende. Sih dan um  
den hern Jesum yn deine hende. ¶ Abakuck spricht. es  
ist kein geyst in dē bildnis. Wan got auffgeht so fallē alle  
bildnis. Wa bilder sitzen/ da kan got nit sein. als Michee  
am. v. geschriben steht. Ich werde eure bildnis/ in eu-  
rem nitell verderben/ yhr solt nicht mehr anbeten/ das  
werck ewrer henden. Czu dem dritten. wan ich gleich  
bekennet/ das bildnis erleubt weren/ das doch keyn Crist  
kan bekennē. Doch ist kein trost/ dan in dem wort gotis.  
Darin der gerecht lebendig gesund vnd selig wirt. Drüb  
ists vmergleichlicher weiß mer/ dz du einē beide euangeliē  
fürsagest/ welche der her zur letzt/ vñ vor seinē tod geben  
hat. Nemlich dastu eynē tranccken vorsagest inhalt vnd  
meynung dises trosts. Mein leip wirt fur euch gegeben  
Mein bluth wirt fur euch yn vergebung der sünden ver-  
gossen. Diffe euangelia haben eynē lebentigen geyst. Das  
bild Christi hat nichts dan holz/ stein/ silber oder gold  
vnd der gleichen. Fur das viert muß ich den Gregeri-  
sten/ Bischoffs Epiphani rath furwerffen/ welcher vor  
zeiten Hieronymi/ ein tuch auß der kirchen genommen hat  
Drumb das ein bild eines heiligē oder gecreuzigtē Christi  
wider verbot der schriffen/ dar ein gemalt was. Darab  
ist wol zu merckē wie die frumē Christen bildnis vor zei-  
ten gehast habē/ vñ auß dē gots heußern verweist habē.  
¶ Epiphanius ist kumē gen Anablatha vñ do selbst in die  
kirchen gangē/ vnd hatt eynē furhanc in der thur gesehē  
geferbt vnd gemalett/ der eyn bild gehabt hat gleich als  
Christi oder eynes heiligē. Ehr spricht das ehr nit eygē  
lich wiß/ weß das selbige bilde gewesen sey. Doch hat ers  
nit yn der kirchen wollen leydē/ drumb das wider die sch-  
riffet yn der kirchē hing/ derhalbē zuschneid er dē furhanc



Das steht in Buchern Hieronimi geschribē Tomo. 3. fol.  
lxx. lra. c. Sih/ ap ich zugobe/ das Leyhen ehrwasß  
nutzes vñ seligbarlichs aus Bildern kondten lernē. Dorffte  
ich doch das mit nicht gestatē/ wider verbot der schrift  
vnd wider götliche willen. Die schrift spricht klar auß  
das got bilder hasset vnd neydet/ welche papisten/ bucher  
nennē. Ich frage dich. Wan du eynem bilde aus hertze  
seynd werest/ vnd mogest es weder sehen noch horen/ wie  
wol wurd es dir gefallen/ wan dich eyner yn eynē solichē  
hessigen vnd greulichem buch wolt lernē erkennē vñ dich  
ehren? Du wurdest one zweiffel mich/ mit dem buchlin  
oder bild/ hassen vnd fliehen/ wan ich dich in dē welt eren  
dastu verbeutest/ dastu hassest/ dastu fleugest. Tu spricht  
gott das ehr keyn bild mag leyden/ das wir machen/ vnd  
das ehr alle die yene neyde vnd haß/ die bilder lieb haben/  
wie obberurt ist. vnd Esaias schreibt. c. xlz. Sie sollen  
mit schandē geschmacht werden/ die dē bilde vertrauhē.

Sih got ließ ein bild machen eynes brandes. oder schlan-  
gen/ das wasß ym nit gleich / wasß auch zu nicht anders  
auffgericht/ dan das die/ so von den schlangen gebissen  
oder verwunt waren/ das selbe bild soltē ansehē/ auff das  
sie gesund wurden. Numeri. xx. Das bild gab got selber  
vnd wasß nit von menschliche hirn auffgericht/ ydoch lo-  
bet die schrift den konig Ezechiam 4 reg. xviii. das ehr  
die selbe schlangen abthett/ darumb das yhr/ die Juden  
opfferten.

Unsere bilder haben keynen vrsprung von gott/ ya sie  
seind von got verbotten. noch wellen wir sie verteydigen/  
Vnangesehen/ das sich vil arme menschen an yenē besche-  
digen/ vnd verletzen/ die lichte/ vnd pfenig opffern/ vnd  
biegen sich/ vnd thund yre heubter vor yhn end blossen.  
Noch dorffen wir die olgotzen vnd bilder verteydigē/ yn  
dē kirchen behalten/ vñ die arme einfeltige schefflin gotis  
lassen verderbē. in solichem greulichem myßbrauch. Vnd  
wellen sie ehren elß bucher.

Drumb muß ich wieder sagen von vnurzeit der bil-  
der. **I**doch alles wie die schrift meldet/ dan ich beger nie  
das yemandt auff mich bawhe/ oder mir gleube. **J**a der  
teuffell danck dir/ wan du mir gleubest/ oder auff mich  
fusst. **R**ere dein oren vñ augē auff die schrift. welche  
also saget. Die scheffner des bildes seind nicht/ vñ das  
aller kostligist vnd aller liebste ist nicht nutz yn yhn.  
Sie seind selber gezeugen yrer bilder/ das sie nicht sehen/  
vnd nichts verstehend. **E**saias. xliiii. **H**ye mercke du  
abgottyscher vnchrist/ das der schaffner/ eynes byldes  
nichts ist/ vñ dz ir allerbestes zu nicht nutz ist. **J**a gewiß  
seind sie nicht nutz zu der seligkeit. **D**u must selber bekēnē  
das du keynen bildmacher wilt fragē/ was dir zu der seli-  
keit nutz ist/ yhn dem das ehr eyn bildmacher ist. **W**ye  
ist dē der **P**apst Gregorius so kecke/ das er darff sprechē.  
Bilder seind der **L**eyhen bucher? **W**an yre meyster vnß  
nit konden leren. was vns nutz ist zur seligkeit? **S**ih yre  
meistern sehen/ horen vnd versten/ vnd geben zeugtnis  
das yhre bylder weder sehen/ noch horen/ noch verstandt  
haben. **V**nd du wilt/ vnd solt/ die bildmacher/ nit fur  
bucher habē. **W**ie darffestu dan bilder fur bucher haltē?  
**W**ie konden dir bilder nutz seyn als bucher?  
**W**ehr kan leuckē/ das bucher nutz sein? nyemand. **W**er  
darff sagen/ das bilder nutz seind. wan yre bildmacher  
vnnutz seind? nyemad. **I**hu will ich kurzlich beweise  
das auch bilder yhn sich selber vnurzeit seynd/ alles durch.  
**E**saiam. xliiii. **D**er ein **E**wangelischer Propheet ist.  
**E**saias spricht also. **W**er hat got formirt oder gemacht  
vñ das geschnitze bilde zesamen geplassen? das zu nicht  
nutz ist. **I**ymb war alle teylhafftige/ vnd gesellen der  
bilder/ werden beschempt. Sie werden alle sampt zesa-  
men komen/ vnd sich forchten/ vnd ehrschutt werde zc.  
**V**nd meldet ferner vast spottlich vnd spitziglich/ wie  
die **O**lgozen gemacht werden/ vnd zu nicht nutz seyn.  
**I** Das kan ich auch nit verschweygen. **D**as gott knye  
bigen/ krümen/ vnd bücken/ nit kan leyden/ welches wir

Den Götzen erzeygen. Gott spricht also durch Esai.  
Der bildmacher macht eyn bilde/ vnd krümet sich vor  
yme. Er krümet sich vor yme vnd bethet es an/ vnd sa-  
get. Mache mich letig/ erlose mich/ dan du bist mein got.

Also haben sie vergessen/ das die augen der bilder nicht  
sehen/ vnd das sie in yrem hertze nicht verstehnd/ vnd be-  
denckē nicht/ dz sie vor gesagt habē. Ich hab die helffte  
des holtzß verbrand/ dauon ich diesen got gemacht hab.  
Vnd hab mit der selben helffte/ des baumesß/ mein fleisch  
gekocht/ vñ den offen eyngeheyt. Von dem andern teyll  
hab ich disen abtgot gemacht. Vor dē klotz dieses holtzß/  
wil ich nyder fallen. Am ende des selbe capitels spricht  
gott. Ich bin der her/ welcher alle ding tueth/ vñ nye-  
mand mit mir. Esai. xliiii.

Zeit ich weil vnd rawm/ gern welt ich Esaiam han-  
deln/ aber kurtz halb/ wil ich vom ende anfahen/ vnd zu  
dem anfangt kumen/ vnd damit zu angefangner mate-  
rien wider keren. ¶ Sih vnd mercke wol/ das bilder in  
Kirchen/ wider das erst gebott seind. ¶ Vnd das gott  
mit nicht magt dulden/ das wir eyne creatur nebent ym  
stellen. Drum beschleusst er also. Ich byn der her/  
welcher alle ding allein macht/ vnd keyner mit mir.

Das solt/ yhr heylige fresser/ eben mercken/ das got al-  
lein alle hylff tueth/ vnd keyner mit ym/ oder nebend ym.  
Das muß ye war sein ( soll anders die warheit war sein )  
das vns kein creatur/ nebend gott / hylffet. Thu sage  
mir du Götziger anbetter oder eeregeber/ wan dir hei-  
ligen nit konden helffen/ was konden dir yre betrügliche  
bilder helffen? Du wilt den heyligen ehre thun in bil-  
dern/ vnd gleich die ehre/ die sie in yrem leben geflogen  
haben vnd verbotten. Sie haben ym leben nit mogen  
leyden/ dastu yhn opffer gebest/ oder sie anruffest/ als Pe-  
trus spricht. Es ist nur eyn nhom vnther dē mensche/  
in welchem yr must selig werden. Acto. iiii. Ist nur ein  
nhom/ warumb machestu ( Götzeck ) vil nhomen vnther  
den menschen/ in welche du seligkeit verheischen thuest.

Weystu nit das sie Petrum ansahen vnd verwundertē  
sich / vñ Petrus sprach. Ihre mēner. was verwundert  
yhr euch? vnd warumb seht ir vns an? als hettē wir das  
aus vnser krafft vñ macht getan / das der lahim wandelt.  
Wir haben den selbē / durch vertrauhē yn dē hern Jesum.  
welchen der got Abraham Isaac vnd Jacob gesend̄t hat.  
gesund gemacht. Acto. 3. Sih du kugilichster vñ veist  
er bildemacher / das Petrus ym lebē verbotten hat / dastu  
ym nach seinem tod darffest zu messen. Weynstu das er  
igt vnß ein andere laher wurd geben / vnd wider die / die  
ehr vns ym leben hat gebē? Du bekendest das ehr aus dē  
heiligen geist alhie geredt vñ geleert hat / war aus leret ehr  
ym tod? Petrus spricht yhr solt vnß nit ansehen. Ja / hie  
antwerstu bald. Wir sollen bilder nit ansehen es tette sie  
etwas aus eygner krafft.

Aber hoer zu. Wolt got das du war sagest. vñ dastu nit  
eyne eigen olgozen hettest / welcher yn grosser macht bey  
dir ist. Was wiltu aber zu dem Pachantten vers sagen  
Christoffore sancte virtutes sunt tibi tante / qui te mane  
videt de nocte ridet oder viuet. Sage mihr wie vil tau-  
sent menschē ein zeitlang sanct Christoffels bild / der hal-  
ben / angesehen habē / das sie vor dē gehen tod behut wur-  
den? vnd auff den abend frolich mochten lebē? Habē die  
selbe nit yn yrē ansehen des gemalten Christoffels grosse  
hoffnung vnd trost geset?

Du solst von des ergeris wegē / im glaubē rathē / das  
alle bilder zu dem Teuffell geschlept weren. Sih nu / ap  
die selbige / sanct Christoffels bilde. nit fur eyne got achten

Du must mir auch zugebē / das vil Leihen / der massen  
yn andern bilder / mit trost vud hoffnung / hangen.

Zeist nit solchs ansuchē / anbetē? Lieber domine her. her.  
ist nit das gesagt / liebes bilde mach mich ledig? oder ers-  
loß mich? aber behüt mich vor dem gehen tod?

Sih du leffest gescheen / das Leyhen vor dē bildern. S.  
Pauli. Petri vnd Barnabi. 2c. licht anzunnen / vnd ihn  
opffer furtragen / die sie. wie Pestellentz. ym leben geflogen  
haben

haben / noch bystu der grob klügell. Bystu der hochges  
larthe gesellh / so byt ich fruntlich / sag mir / Ab Petrus  
Paulus vnd Barnabas yhn eygner personē hetten mogē  
dulden / das wir sie vff altarē stellen. Du must Meyn vñ  
Meyn sagen. Warumb setzestu / yhre verbottē bilder vff  
altarē / welch bilder sie ouch nit angenomē hettē. Mercke  
auch lieber freund / das krümē vñ knihe biegen eere seind /  
die du wider gottis willen den bildern erzeigest. Als in  
obangezeigten. xliiii. c. Esaiē berurt ist.

Mercke ouch / wie tolh / nerrisch / vñ vn Sinnig die seind.  
die den bildern soliche ehre geben. Dan Esaias spricht.  
Sie krümen sich vor yre gotten. vnd biegen sich / vñ habē  
vergessen vnd verstend nit / das yre bilder nicht sehē oder  
horen. Sie verstend nit / das sie spehn vñ holzer von dem  
klotz gehauwen haben (welches sie fur eynen heiligē hal-  
ten) vnd haben yre fleysch mit gekocht / vnd yre dornitzē  
oder stubē warm gemacht / das wellen sie nit betrachten.  
Drumb werden sie geschendt werden / sich forchten / vnd  
bywen vñ zerschurten. O Wie vbel wirt es dē / in tods  
notten / ergehn / die an olgozen also kleben / die sich vor yn  
krümen vñ biegen. Es wirt sie gar nicht endschuldigen /  
das sie das / dē heiligē thuen / got erkendit yre hertze besser /  
dan sie selber / vñ wirt sie mit seinem wort vber zeugē / dz  
sie dē bildern ehre gethan habē / nemlich mit dyßem. Du  
solst sie nit ehren. Exo. xx

Thu kum ich zu dem anfangt / vnd neme Esaiam /  
welcher spricht. Sie seind zu nicht nutze. Esa. xliiii  
Bucher seind nutze den lesern / Volget das bylder keyne  
Bucher seind der Leyhen. Wider Gregorium vnd seyne  
ganze geselschafft.

Horend yre Gregoristen vñ Papisten was Ezechiel spri-  
cht. Wan sich / eyner von mir keret / vñ setzet olgozen  
yn seyne hertz / vnd kumet zu eynem Prophetē / vñ fraget  
mich durch yhn / So wil ich ymedurch mich selber ant-  
wortē / vñ wil yen zu cyn exempel vñ sprich wort machē

C

vnd verderbē / vntz mittell meynes volcks / Ezech. am  
xiiii. Sih da olgotzischer preysler / was Ezechuell / von  
den bildern redet / vnd vergyffe beleib nit / wan du cynen  
olgotzen oder bilde yn deyne hertze nymbst ( wie das vile  
thund / als von sanct Christoffels bilde gesagt ist ) das  
dich got verderben wil vñ verdammē / vnd wil dir selbst  
antworten. Izo antwort vns gott durch seyne aygen  
wort. Du solst nit Propheten besuchen / wil aber yemant  
yn diesen zeiten Doctores / Magistros vñ Baccalarios  
vmb soliche sachen anlangen / vñ der stum gottis nit wil  
glaubē one wanckell. der hore was in xiiii. c. Eze. volget.  
¶ Der Prophet dero yrren wirt / dē hab / ich got vñ herr  
irren gemacht / vnd wil yhn von mittell meynes volcks  
vertilgen. Sih wie got beyde vertilgt den Propheten /  
der irret vnd irren macht / vnd den rathfrager / dero eynē  
solichē Prophetē rathfraget. Darnach wisse dich gerichtē

Wan eyner gottis verbott vñ willen weiß / soll er stras  
cks dem selben nach volgē / vñ weder Engell / noch heili  
gen / noch Prophetē horen / die yhn von gotlichem gebot  
wellen zihen / ap sie gleich eynē scheyn hetten / guter mey  
nüg. Das die historiē. 3. reg. xiii. mit lichten wortē leret.

Got schicket seiner diener einen zudē König Hiero  
boam / vñ gebot ym / das er weder essen noch trinckē solt.  
Das verbot wisset / der selbe Prophet oder man gotis Se  
meas. Aber er ließ sich durch eynē andern Prophetē. ver  
furē. Welcher sprach. Ich bin ein Prophet gleich wie du.  
Vnd der engel gots hat mich angeret. Sagende. für yem  
mit dir yn dein haus / auff das er esse vnd trincke. Das  
thet Semeas / vnd was dem munde gotis vnghehorsam.  
Derhalbē ließ yem got zerreißen von eynē Lauhen.

Sih wan wir wort des hern haben / vnd wollen gotis  
mund vnghehorsam seyn / vñ vns durch eynen andern  
lassen vberreden vñ betrigen / so müssen wir sterben. Ab  
gleich der vberreder aber betrieger / gestalt hat eines Pro  
phetē / eynes engels / eynes leuers / eynes Christen / welcher  
dir Christliche woltat pflegen / essen vnd drincken geben

wil/ vnd seyne wolrat verhindert dich an gottlichem ge-  
bot vnd wort/ salstu ym mit nicht volgen/ ab er gleich  
ein dicker/ starcker/ veister Monich vnd doctor wer. Vol-  
gestu aber yemand von wegen seyner standes/ scheynes/  
schoner wort/ vnd fruntlicher erzeygung/ vnd felst also  
aus gotlichem verbot/ mustu gewislich sterben (wie Ses-  
meas) von dem Lauben. dero die welt vmb geht/ eynen  
zu suchen/ den er verschlinckē mog.

Also erwurget gott die Scene Aronis Nadab vñ Abiu/  
Drumb das sie frombd feur vor gott opfferten/ das yem  
nit geboten was. Leui. x.

Sih wan einer ein feur anzundet/ das dem feur des  
hern ym wehen vñ hitze gleych was/ dannest wan es fro-  
mbd was/ straffer got/ die yene/ die solchs feur opffertē.

Demnach sag ich/ ab gleich bildnis anzeig hettē eynes  
guten dingks/ dannest sollen wir sie nit leiden/ in den kir-  
chen/ vñ vnther den glaubigē. als dz Balam hat müssen  
Bekennen. Sagend. Es ist keyn bildnis in Jaacob/ vnd  
keyn olgog in Israhel. Nume. xviii. vnd Exo. xx. offens-  
lich außgedruckt ist. Derwegē sol kein Christ oder glaw-  
biger bilder annhemē/ dan er horet klerlich. Du salst kein  
bilder habē. Des worts fall der glawbig geleben/ vñ kei-  
nen scheyn achten/ wie der selb gestalt oder nhamen habē  
mogt.

Kumpt eyner vnd spricht/ bilder lerē vnd vntherwey-  
sen die Leyhen/ gleich als bucher die gelartē. Antwort  
du. Got hat mir bilder verbotē/ derwegē wil ich nichts  
aus yenen lernen.

Kumpt eyn ander/ vñ saget/ Bilder vermanen vñ eryn-  
nern vns des hern leidē/ vñ machē offtmals/ dz einer ein  
vater vnser betet/ vñ an got gedencet/ dero sonste weder  
betet/ noch an got gedecht. Antworte du mein Christe.  
Got hat bilder verbotē. Itē Christus spricht dz got ein  
geist ist. Alle die got warhafftiglich anbetē/ die beten got  
ym geist an. Ioan. iiii. Alle die got in bildern anbetē/ die  
betē ien in lügē an/ ym schein vñ eusserlicher anzeige ge-

**C ii** denckē sie an got.

Das hertz ist aber fromde von got / vñ macht ym ein eigen  
olgozen ym hertzen / vnd ist voller lügen / Als Esa. xliiii.  
spricht. Ir nerrisch vnd tolh hertze betet sie an / vñ saget  
nit. Ich hab ein lügen yhn meynes gerechten hand.  
Es kan auch kein Christ leucken / das geistlich gebet / eyn  
gotlich werck ist / das got allein wircket / als Hieremie 33.  
geschriben steht. Ich werde yhn offenbaren gebett vñ  
anbethung des frides / vnd der warheit. Das got alleyn  
wircket. das kan kein bild wircken. Du darffest auch nie  
sagen / das dich das bild Christi / zu Christo breng. Dan  
das ist ye war. Keyner kumpt zu mir / es sey dan / das  
yhn mein vater zihen thun. Sie müssen alle gottis schu  
ler sein / die zu Christo kumen. Ioan. vi. vnd nit von bil  
dern vermant oder gelet werden zu Christo zekumen.  
Lass alle bilder aufferden zesamen treden / dan noch ver  
mogen sie nit / dir einē kleinen seuffzen zu got zugeben.

Wan ich ye eusserlich vermanung vñ erynnerung wolt  
haben / soltt ich die begern / welche die schrift antzeygt /  
nicht die sie hasset vñ verbeut. Also Ich solt vil lieber  
wollen das ich in anfechtung vnd betrubtnis / mit wage  
vñ pferde viell / dan das ich zu eynem bild quem / auß ym  
selige vermanung zeschepffen / dan Esaias leugt nit / das  
bilde zu nicht nutz seind / Esa. am xliiii. Sye müssen aber  
zu etwas nutz sein / wan sie vns vermanen mochten / vñ  
yhn warhafftige gedanken zu gott shüren. Das aber  
betrubtnis eusserlich leret vnd vermand / vnd macht das  
wir got erkennen / anrufen / vñ anbeten / . Leret die schrift  
sagend. Oberdrenghung vnd vexation gibt verstand.  
Esaias am. xviii. Du hast mich gestrafft vnd ich byn  
gelet worden. Hieremias am. xxxi. Gott geysfelt vns  
vnd leret vns / als eyn vatter seyne Sone. Prouer. 3.  
Hebre. 12. Gott wil das wir / zu ym schreyhen ym tag  
vnser enfechten. Psal.  
Gott wil aber nit haben / das wir zu yhm ruffen / wann  
wir bilder sehen / ehr wil das wir sie hassen vnd fliehen.



Ihn dē tag / so der her erhocht wirt / werden die mensche  
yre bilder weg werffen vnd sie fliehen. Esa. 2. vnd xxxi.  
Michee am. v. Daraus volget / das bilder ye nit bucher  
seind / auß welchen wir lernen sollen.

Das bildnis keyne bucher sollen genant werden / kan eyn  
Christ also verstehn. Bucher leren. Aber bilder kondē  
nicht leren / als Abakuck am. 2. saget Ist es m̄glich das  
ehr leren kan. Das saget Abakuck von eynem steinerin  
Olgassen. Daraus volget one wiederred / das bilder keyne  
bücher seind. Dan wan sie bucher weren / oder solten das  
lernen / das bucher thund / so mussten sie lernen vnd vnther  
weyssen. Dar ab kan meniglicher erkennen / das Gregorius  
der Papsst ye bespstlich / das ist vnchristlich gelerth hatt /  
wan er den Leyhen bildnis / für bucher / gibt.

Dye schriftt vergleicht silber vnd olgozen / dē puben / vñ  
saget an vil enden / das die gotlosen mit bildern bulē / wie  
huren mit puben. Ich muß grob vnd vnnütz seyn. aber  
scheme mich nicht zu reden / wie die schriftt redet / vnuer  
zumpffen. Ich hab yr hertz zerbrochen / welches vñ  
mir ging. vnd yre ougen zerriben / welche mit dē olgozē  
buletē vnd subten. Ezechiel am. vi. Item du hast  
dir bilder gemacht in mans gestalten / vnd byst vnkeusch  
mit yhn gewest. Das gold vnd das silber / so ich dir / zu  
deyner zyhr geben hab / hastu gebenn zu den bildern /  
sie daraus zumachen / vnd hast mit yen gebuelth. Du  
hast deyn kleyder genumen / vnd hast sie mit den selben.  
Bekleydt vnd zugedeckt. 2c. Ezechiel am. xvi. Das  
thun wir den narren / die wir nit für frombde goter ach  
ten wollen. Wollē auch nit horen / das sie vnserē got  
ter seind. Wie wol vns alle welch oberwindet mit vnser  
reed vnd tath / das wir sie als gotter halten / mit nhomen  
vnd ehrebiethung. Dan das gecreuzigte bild nennē wir  
eynen hergot / vnd sagen zeiten / das ist der herr Ihesus /  
wir thund ym auch soliche ehre / als wer Christus selber  
da / dartzu habē vns die heilose bespst / vn Sinnige Mon

nichen gebracht. Wir sagē auch / das ist Sanct Sebast. das S. Niclas zc. vnd der gleichen. Also nhennē wir sie / wie die ding / so got lieber / vnd vber weisen vns / mit vnser reed vñ tath / das bilder vnser gotter seind / das vnßere bildnis seind mit welchen / vnßere augen bulen / vnd puben / vñ ist ye war / das sie alle sampt huren vnd ehprecheryn seind / die bilder eheren / oder vmb hylff an suchen aber anbetē. O see. ii. Ezech. am xvi. (Alhie wolte ich eyn weib / des Teuffels huren / wol bezalen. ader ich hoff sie werde / dem rathe des heiligen geysts volgig werden / das ist eyn parēthesis damit ich sie für das ander mall wil gewarnet haben.) Die Teuffels huren die yre silber vñ gold / zu bildern geben (vnd darumb / das man bylder in kirchen / aus dē mache / das got yen zu eigner zirung gebē hat) seind gleich die huren / von welchen. Ezech. am xvi. capitell schreibet / wie obē vermelt ist. Die manß bilder machen / vñ bulen mit yen / bedecken sie mit yren kleidern vnd tragen yenen kostlichen geruch / brot / wein / bier / zu / huner / gensß / vnd pferd. Ja dar zu yre Kinder / vnd ire Francke frunde / zu welchen got spricht. Meinest du / das disse büberey klein vnd gering ist? Der gleychen haben wir / mit wenig schriffen / welche die olgeckische anbetes huren vnd ehprecheryn schelten / Vnd beschlyssen / das kirchen / billich hurheuser sollen geacht werden / so bilder in yenen gestelt vnd geert werden.

Wie wol auch alle bilder / mēlich ¶ als. S. Sebalds vñ weiblich. als. S. Ursal vnd Otilien / aber yr gleichen verbotten seind / vñ sollen mit nicht eyngelassen werden / wie Deutro. am iii. geschriben steht / dannest nhenneth die schriffte solige eher geber der bilder huren vnd ehbrecher / vnd soliche betrugliche bilder mēner / vff das wir lernē. wie hoch vnd achtbar solich olgotz ē seind / in der hertze / die sie eheren vnd anbeten.

Das ist auch die ursach / das got ym ersten / verbot gesagt hat. Ich bin eyn ewfferer. Exo. xx. Ehr wil vnßer lieber man alleyn sein / vnd das wir yen / alleyn / vmb

hylff anlangen vnd bitten sollen / also Osec. 2. vii. vnd an  
dere Propheten leren. Esa. i. vnd xliiii. 2e.

Gott weiß sehr wol / wie ferlich vnd schedlich bilder  
seind / vnd wie wir in eynem augenblick / vns an yenen  
vergreuffen / darumb hat ehr vil malß bilder verbotten /  
durch Moisen / offtmalß durch seine Propheten lassen  
verfluchen.

Es hylff dich keyn endschuldigung vnd außreed / ap  
du tausent mall sprechest. Ich ehre die genantē heiligen  
nit in yrem nhamen / sonder in der nhamen welche sie an  
zeygen. Ach du haylose hur / meynestu das got dein her  
ze nit tisser vñ mehr erkenn / dan du? Wan got nit wisset  
das ymand / so leichtlich eynen abtgot kond machē / das  
er selber kaum fület. so hett got lassen geschehen / das wir  
bilder / yn frombden nomen ehretē. Behilff dich / decke  
dich / vnd verkrich dich yn alle schluff locher / vnd glossir  
deinetat / wie du wilt vñ kanst / du wirst dannoch gotlich  
em vrteil / vnd gericht nit endlauffen / das bilder schlecht  
verbeutt / vnd alle die vermaledeyheit die bilder schnitzen  
oder preisen / oder sie bewaren vnd eheren. Deu. xxvii.

Nun wil ich / vnd sal den frumen Christen sagē / das sie  
alle abtgotter yn iven hertzen haben / die sich vor bildnis  
forchten. Vnd wil mein heimliche gedancfē / gegen aller  
welt / mit seuffzē / bekennē / vñ geb mich schuldig / das ich  
klein mutig byn / vñ weiß das ich keyn bild forchten soll /  
vnd bin gewiß. das got von den seinen fodert / das sie sich  
nit sollen vor olgotzen forchtē / als geschriben steht. Ir  
solt frombde gotter nit forchten / nit anbettē / nit ehern /  
vñ solt yen nit opffern / sonder allein got / 2c. Judicū. vi.  
iiii. reg. xvii. Vnd weiß / das got bey mir / so klein ist / als  
gros mein forcht ist gegē dē Olfratzen. Dan got wil eyn  
ganz vñ voll hertz inhabē / vnd magt in keinen weeg ley  
den / das ich eyn bildnis vor meinen ougen hab. Item  
wan ich gott mit ganzem hertzen vertrauw. So muß  
ich seyne feynde ye nit forchten.

Drumb spricht got / aber sein geist / yn heiliger geschriffte.  
Ir solt frombde gorer nit forchtē. Ir solt sie nit anbeten.  
Ir solt sie nit eherē. Vnd vntherweisset vns / das bey sich  
ein ding ist. Bilder zu eherē. oder Bilder zu forchtē. Der  
wegē soll ich kein bilde forchten / gleich wie ich keynes soll  
eherē. Aber ( got klag ichs ) mein hertz ist vō Jugēd auff  
yn ehererbiethung vnd wolachtung der bildnis erzogen  
vñ auffgewachsen. vñ ist mir ein schedliche forcht einge  
tragē / der ich mich gern wolt endletigē / vñ kan nit. Also  
sten ich in forcht / dz der ich keinē olgotzē dorfft verbrēnē.  
Ich hette sorg der Teuffels narr mocht mich beleydigen.  
Wie wol ich die schriffte ( an einem teyll ) hab / vñ weiß.  
dz Bilder nicht vermogē / habē auch weder leben / bluth /  
nach geist. Idoch helt mich forcht am andern teyll / vñ  
macht / das ich mich vor eynē gemalten teuffell / vor eynē  
scharwen / vor eynē gereusch eines leychtē bletlins forcht /  
vñ flibe das / das ich menlich solt suchen.  
Also magt ich sagen / wan man eynē bey den horē zeugt.  
so merckt man wie vest seine hare stehnd. Zette ich den  
geist gottis nit wyder die olgotzen horen schreyhen / vnd  
sein wort gelesen. Szo hett ich also gedacht. Ich hab  
kein bild lieb. Ich forcht kein bilde. Aber itz weiß ich /  
wie ich yn dyßem vall / gegen gott vnd den bildern stehn /  
vnd wie vest vnd tieff bilder yn meinem hertzen sitzen.  
Got woll mir sein gnad verleihē / dz ich die teuffels kop  
ffer ( so gemeinlich heiligen in der kirchen genant seynd )  
nit mehr / dan stein vnd holtz / forchten thun. Vnd gott  
geb / das ich stein vnd holtz nit / ym scheyn vnd nhoimen  
der heiligen ehre. Amen      Sih Hiere. am. v. a.

Auf ob vermelden schriffren volget / das Christē / got  
lichem rath / willen / vñ gebott / stracks nach volgē sollē /  
vnd keyne bilder mher leyden. Vnangesehen dē althen  
koffen gebrauch / Pestilenzische laher der paffen / vund  
das sie bucher der Leyhen mogen seyn. Dan gott hatt  
machung vnd behaltung der bilder verboten.

Vnd got beklagt sich senlich vñ schmerzlich / das wir  
Bilder besuchen / in kleyner oder grosser zuversicht. Vnd  
spricht / das sie seyn gotshaus vnreyn machē vñ befleckē.  
Hieremi. xxvii. Also / habē wir der ersten beyde artickell  
glawb würdige vrkund / vnd vnberügliche beweyßung /  
nemlich gezeugnis des Heyligē geistes.

Der dritt artickell fleusset aus cyngefurten schriffren /  
vñ steht in yren grundten vnd felsē. Ich wil aber des  
dritten artickels sonderlich gezeugnis aus der schriffte  
auch furen.

Also solt yren thun spricht gott. Deu. vii. Ire alta-  
ren solt yr umbkeren / vñ umbstutzen. Ire bilder solt yr  
zubrechē. Ire linden solt ir abhawē / vñ ire geschnitze  
bilder solt yr verbronnen. ¶ Wir haben keyne gotliche  
altaren / sonder heidnische oder mēschliche / als Exo. am  
xx. zuvermerckē ist. Drumb sollen Christen sie abthun /  
nach inhalt der schriffte. Vngeacht das eusserliche ding  
seind. Dan wan du got eusserlich wilt cherē / oder yn Ces-  
remonien ansuchen / solstu seine ceremoniē vnd seinem ges-  
setz nach volgē. ¶ Bilder sollē die Obirste auch abthun  
vnd zu der peen richten oder vrteilen / dazu sie die schriffte  
vrteilt.

Ich hette auch gehofft / der lebentig got solt seine ein-  
gegebē werck / das ist guten willē zu abtuhung der bilder  
volzogen / vnd yns eusserlich werck gefurt habē. Aber  
es ist noch kein execution geschē / vileicht derhalbē / das  
got seinen zorn vber vns last treuffen / yn meynung seinē  
ganzē zorn außzuschüden / wu wir also blind bleiben /  
vnd forchten vns vor dem / das vns nicht kan thun.  
Das weiß ich das die Obirsten derhalbē gestrafft werdē.  
Dan die schriffte leugt ye nit.

Letten aber vnßere Obirste yren gotlichem rath vnd  
beschluß volendet / vñ die pubische vñ ve. furische Klotzer  
aus dē kirchen / zugeburlicher straffe / geiaget. Musten  
wir sie loben / wieder .h. geist Ezechiam lobet. Welcher  
bilder zerriben / linden abgehauben / vñ das bild das got

D

gegeben/zerbrochen hat als am iiii. Reg. xviii. Welte  
got/das vnser hern werē/wie die weltliche frumē König  
vñ hern gewest sein/in der Judenschafft die der .h. geist  
lobet. Sie haben ye in heiliger schrift macht. yn kirchē  
behandeln/vnd abtzerhun/das gleubige ergeret vñ ver  
hinderet. Sie mogē auch die pfaffen/in gotlichē rechte/  
dringen vñ treiben/betrugliche vnd schedliche ding auß  
zeshuren. Das sihet yderman. iiii. reg. xviii. geschriben/  
nemlich also. Der König Josias/hat dē Obirste ponti  
fer/vnd dē andern pfaffen geboten/auff das sie alle was/  
lindē/vñ der gleichē Baal auß wurffen/vñ er verbrandt  
sie außwendig der statt Hierusalē. Darauß sal yderman  
mercken/wie die pfaffen/den konigen vntherdenig sollen  
sein/auß gotlichem rechten. Derwegen solten vnser  
Magistraten nit erwartē/biß die pfaffen Baal/ire geveß  
Klozer/vnd verhindernis anfahen außzuführen. Dan sie  
werden niemer mher anfahen. Die obirste weltliche hand  
soll gebieten vnd schaffen. Leyden sie aber bilder/müssen  
sie horen/das sie Judam irrenden vñ sunden machē/wie  
in gleichē valh Manasses gehört hatt. iiii. reg. xxi. Vnd  
ßo sie wurden sagen. vnser vorfarn haben sie eingesetzt/  
wir wollē yrē weeg nach volgen. So spricht die schrift.  
Ammon hat vbel gethan/wie sein vater Manasses/vnd  
ist in dem weeg gangē/darinne sein vater ging. reg. eodē  
Wie die muter was/also ist die tochter. Eure muter ist  
ein Cethea. vnd euwer vater eyn Amorreus. Ezech. xvi  
Gott kan nit dulden/das wir vns behelffen/mit furwen  
dung. Wie vnser eltern gangen seind/also wollen wir  
auch gehn.

Etliche bilderkusser sprechen. Das alhte gesez verbeut  
bilder/vnd das neuwe nit. Aber wir volgen dem neu  
wen/nit dem alten gesez.

Liebe Brüder behut euch got/vor diesem ketzerischē ser  
mon vnd wort. vnd das ihr ye nit sprecht. Wir volgen  
dem alten geseze nit. ader nhemmen es nit ahn/dan das

gehört den vnchristen zu. vnd bricht vnd verkleindt die  
laher Christi. Dan Christus beweyset seyne laher aus  
Moise / vnd Propheten. Vnd spricht das ehr nicht kom  
men sey / das gesetz zu brechen / sonder zu erfüllen. Ehr  
hat auch seyne Junger gelet / wie das er hab müssen lebē  
vnd leyden / auff das die schriffen erfülth würdē / Chri  
stus hat ouch nicht den aller kleynsten Buchstaben / ym  
Moise verbochen. Ehr hat auch keynen zusatz / vnd  
keynen abbruch dem gesetz Moysi gethan. Kürzlich  
Christus hat nichts nyder gelegt / das gott ym alten ge  
setz behagt hat. Christus ist im willen vnd inhalt altes  
gesetzes bestanden. Wer disse zwen sprüch zesamen  
fügen kann. Nemlich. Fide legem antiquamus. Fide  
vel gratia legem stabilimus. Der versteht Moysen Pro  
pheten / Christum / vnd Paulum. In dem artickell. das.  
alth gesetz unpundig ist. Izo ist zu vil / das zu er  
klere so weyß ich auch dz mich die gesetz feinde nit versten  
wurden. Drumb wil ich obgedachten kegenredenern /  
also antworten. Lieber gesell / du sprichst / das alte ge  
setz verbeut bylder. Der wegen wiltu yhn stadt gebenn  
in gottis hewßern / vñ wilt soliches verbott gering ach  
ten. Warumb sprichestu nicht auch / das wir Vater  
vnd Muter nicht schuldig seyn zu eheren / weyl das ym  
alten gesetz verboten ist. Nher todschlag / vnkeus  
cheyt / dyeberey / vñnd der gleychen myssetath / seynd ym  
den taffeln verboten / darynn bylde verboten seynd /  
Vnd verbott der bylder statt oben ahn / als das meynste  
vnd groste. Verbott der vnkeuscheyt / vnd dyeberey zc.  
steht vnthen ahn / als das mynder vñnd kleynste.

Warumb sprichestu nicht auch. Wir wollen. Ehes  
brecherey / dyeberey / morderey vnd der gleychen verhen  
cken / vnd ym kyrchen dulden / der halben das ym althen  
gesetze verboten seynd.

Christus zeigt dem das gesetz/dero froget. Was solich  
thun/auff das ich/yn das ewig leben gehn? Warumb  
solt ich dich dieses fals. auch nit/in das gesetz Moysi  
fuhren? Du sprichst. Esaias vñ Hieremias seind euange-  
lische Propheten. vnd sie verbieten bilder/warumb miß-  
haget es dir/das sie bilde verbieten?

Ich sage dir das got bilder nit weniger/noch mit kleyne-  
rem fleiß verbotten hat/dan todschlahen/stelen/raubē/  
ehebrechen/vnd der gleichen.

Endlich du must zugeben/das Paulus/ein reicher pre-  
diger ist/des Euangelien vñ newē gesetz. Der die tiffe  
Moysi erreicht/vñ zu lichte gebracht hat. Der Christo-  
liche verheischung ober die massen trostlich verkundiget.  
Du must auch folgende sagē. wan Paulus bilder verbiet  
so wil ich sie flihen. Thuhoeer. Paulus spricht. Sie ha-  
ben/des vnsterblichē gotis/glorien/durch gleichnis nit  
allein eynes toden mensches/sonder auch der vogeln/der  
vierfussichten vñ kriechenden thieren verwesselt. Ro. i.  
Horestu nhun/wie boes vnd schedlich Paulus bilder sch-  
azet? Ehr spricht. das bildepreiser gotis glorien stelē/  
vnd geben sie gleichnissen der creaturē. Also verklynen  
sie got vñ honen yen. Drumb spricht Moyses offte-

malß das got vnser bilder/vnd gleichnis/nit

kan leydē. Also stümet Moyses mit Pau-

lo. Auch hab ich/auff den episteln

Pauli obangerzeigt/das keyner/

zu got kumpt/wan ehr

bilder eherett.



## V Von dem andern articell Betdler betreffend.

Zu vil/ vnd zu wenig/ hab ich von den Olgecken  
geschriben. Derhalben muß ich volgende/ dester kurtzer  
schreiben. Vnd sage kurzlich/ das ich ein gewis zeichen  
hab/ so ich/ yn eynestatum/ das keyne/ ader ye blode/ vñ  
wenig Christen/ yn der statt seind/ darinn ich menschen  
nach brot seh gehn oder lauffen. Derwegen ist ein refor-  
mation von noten/ das wir nit thund ( als wie die heilo-  
sen sophisten ) die in letzten zugen/ vnd eussersten noten/  
erstlich ire hende auff thund/ vñ wellen dan helffen/ wan  
der notdurfftig/ keyne hilff fulen/ vñ wan yen nicht erzen  
vnd laben kan. Die greuliche menner sprechē/ das disse  
schriffte. Beatus qui intelligit super egenum et pauperē/  
also zu vernemen sey. Selig ist dero/ welcher yn eusser-  
stem vnd letztem hunger/ auff den armen achtung hat/  
wan er niemer hunger leyden kan. Gleich ap wir nit sch/  
uldig weren/ Betlerey mit gütiger handreichung zu ver-  
huten/ vnd schmerzlichen hunger zu verkumen.

Ich hab gesagt/ vñ werde es noch/ on auffhorung/ sagen  
das betler ein gewisse anzeig seind/ das keyne Christen/  
oder wenig/ vñ verzachte Christen/ in der statt seind/ in  
welcher betler gesehen werden. Das ist kurzlich also zu  
begreuffen. Betdler seind die nach brot vmbher lau-  
ffen/ oder auff den gassen/ vor dē heusern/ oder sitzen vor  
den kirchen/ vnd bitten vmb brot. Soliche lewte sollē wir  
nit leyden/ sonder vertreiben/ nicht vnvernufftiger vnd  
tyrannischer weys/ sonder mit gutwilliger hilff/ also/  
das wir Christen/ keinen/ in solich armut vnd nott sollen  
kumen lassen/ das er ver vrsacht vñ bedrengt werd/ nach  
brot zuschreiben vñ gehn. Demnach sag ich/ das wir alle  
zeit arme brüder vnd schwestern haben. Matth. xxvi.  
Welche vnser hilff vñ stewart bedurffen. Aber wir sol-

len fleysſſig achten auff vnſere nachpuren vnnnd mit chriſten / vnd irer not zu hilff komen. ehr ſie zu vns ſchreyhen Thund wir das nit / ſo ſeind wir auch nit Chriſten.

Dan Chriſtus ſpricht zu dē / ſo an der linckē hand ſtehn.

Gehet von mir / yr vermaledeytē / yn das ewig fewr. Ich

bin hungerig gewest / vn̄ yr habt mich nit geſpeiſſet. Ich

bin durſtig gewest / vnd yr habt mir keinen drunck gebē.

Ich bin bloeß vnd nackicht gewest / vn̄ yr habt mich nit

bekleit. Ich bin eyn bilgerem gewest / vnd yr habt mich

nit zu haus oder herberig genomēn zc. vnd beſchleuſſet

das ehr ſolliche gebreſten tregt vnd leydet / yn den ſeynen.

Matthei xxv. Diſſer text gibt alle dem teuffell / die hun-

gerige nit ſpeiſſen. Durſtige nit trenckē. etce. Vnd macht

ſie frombde vnd vnuerwandte Chriſti. Daraus vnd an

dern ſchriften / flechte ich / vnd ſchließ / das Chriſten key

nen betler leyden ſollen / dan ſie ſollen / den hungerichten /

Durſtigen / vnd andern notdurſtigen helffen / ehr ſie nach

hilff lauffen / vnd beehlen von eyner thür zu der andern.

Dan die warheit kan nit ſelen vnd betriegen. welche alſo

ſpricht. Ich bin hungerig gewest / vn̄ yr habt mich nit

geſpeiſſet. oder. Meyne verwandten habē hunger geliedē.

vnd yr habt yenen nit eſſen geben. Drüb geht yns ewig

fewr / das dē teuffell vnd ſeinen boten bereytt iſt.

¶ Sollen ſie zu dē teuffell vn̄ ſeinem fewr gehn. ſo ſeind

ſie ye Chriſto vnverwand / vn̄ ſeind keyne Chriſten.

Derwegen volget / das die yene keyne Chriſten ſeind / die

hungerichte nach broth laſſen lauffen / dan ſie ſoltē ſoligē

fleiß auff hungerichte wendten / das ſie geſpeiſt wurden /

ehr ſie durch hunger bedrēgt würdē nach brot zuſchreibē.

Kurzhalben wil ich eynen ſchonē text einfüren / dero

licht iſt. Deu. xv. vn̄ laudet alſo. Keyn betler ſoll zwi-

ſchē euch ſein / auff dz dich der herre / dein got / gebenedey

in der erden / die er dir würd geben / zu eyner beſitzung.

¶ Sih wie got ſeinen gleubigen / betler verbotē hat / vnd

wie er gebenedeyhung verheyschet / den / die betler / zwi-

ſchen ſich / nit haben. ¶ Im text volget ferner.

¶ Szo eyner/ von deinen Brudern/ welche in dē pfortē/  
deiner steten wonē/ zu armut kumbt. solstu dein hertz nit  
verstopffen vñ hart machē. solst ouch deyne hand nit zu  
ziehen/ sonder sie dē armen auffthun/ vñ yme das yenige  
leyhen/ das er bedurffen ist. ¶ Disse schrift ist hell/ klar  
vnd licht/ vnd verstendiget vns alle/ das eyn yede statt/  
auff yre einwoner/ soll achtung haben. Also wu eyner  
in armut fielh/ soll ein yeder/ vñ die obristen in sonderheit  
sich des armuts erbarmē/ vñ keyner sein hertz verstopffen/  
sonder seine hende auffthun/ vnd dem armē Bruder/ das  
leihen/ das er bedarff. Demnach sollen Christliche ma-  
gistraten. yn sonderheit fleissig sein/ den armen zu helffen/  
die in iren steten wonen. Dan vor allen/ sollen wir den  
vnsern helffen. als Paulus leret/ vnd aller meiste sorg  
haben/ wie die vnserer ernert werden. Nicht das wir  
Beschwerung vñ not selber leyden sollen/ vñ die andere in  
wollust leben. Sonder so wir essen vñ drincken haben/  
vnd vnserer weiber/ kinder/ hauffgesind/ vnd verwandte  
auch also versehen seind/ sollen wir genügig sein vnd zu-  
friden. vnd vnsern mitburgern vnd nachpuren helffen/  
Eyn yede statt sol ire burger versehen. Eyn yedes dorff  
sein bawen/ also das sie iren armen Brudern. das leyhen/  
des sie bedurffen. Es solten auch Fursten Amptleuthe.  
Burgermeister/ Richter/ Schultheisen vñ ander magist-  
raten/ bequeme mittell vnd weeg furnemen/ dadurch/ die  
arme Brudern vñ swestern/ yder nach seinē stand/ erhaltē  
wurdē/ vnd das man keinen nach brot ließ lauffen.  
Derwegē gebüret yen/ die schuler zu iren eltern zeschickē.  
Dan sie lernen/ in der betlercy vil mher suberey vnd unge-  
schicklichkeit/ dan tugent vñ laher. Es ist vil besser sie lerē  
yres eltern handwerck/ dan das sie nach brot lauffen. Czu  
nichts anders dienen sie/ dan zu papistischē/ vngelartē vñ  
lugenhafftigē pfaffen.

Es aiget sich ouch/ das obriste/ auff die starcke betler/  
so arbeitē mogē/ ire augen auffteten/ vnd zwingen sie zu  
der arbeit/ sich damit zu nheren.

Doch also / das sie yen steur vñ hilff gebē / ire hand werck  
ader arbeit anzefahen / wolt eyner eyn Buch trucker / eyn  
goldschmit / becker / schneider / schuster sein oder der gliche  
handwerck leren / oder anfahen gebrauchen vnd treiben /  
solten sie yedem / nach seyner erfoderung helffen. Dar  
sie sollen das yrem brüder leyhen / des sie bedurffen.  
Kom dan eyner dartzu / das ehr one beschwerung / seyne  
empffangen hylff mocht wider geben / solten sie die selbe  
nhemmen / vñ andern damit helffen.

Szo aber eyner beschwerth were / das yene wider zuge  
ben / das ym gelyhen / sollen die wolteter nicht dafur so  
dern / oder von den gewarten / den sie wolgethan habē.

Dan ym text volget also. Deu. xv. Hüte dich das  
dir dieser vngutiger gedanckē nicht eynfall. Ist neyget  
sich das Jar / der nachlassung aller schuldē. Vnd dastu der  
halben / deyne augen / von deynē armen bruder abkerest /  
vnd wollest yme derhalben nit leyhen / des ehr bedarff /  
Beleyb hüte dich vor soligem vngütigē gedancken / auff  
das der arme / nit wider dich / zu dem hern schrey.

Wir Christen haben alle tag fur eynē tag / dan Chris  
tus hat keynē vntherscheid zwischen tagen vñ tagen  
gemacht. So seind ouch alle iar eyn iar. Drumb habē  
wir alle volkommenlicheit der zeit. Vnd das sibende Jar  
ewiglich / Welchs Ihar / eyn Ihar ist / der remission vnd  
nachlassung aller schulden / das allē schuldigern / quit / les  
tig / vnd loß macht von yren schuldē. Derwegen seind  
wir schuldig / vnsern armen brüder zuleyhē / das yene /  
des sie bedurffen / ane zuspruch vñ hoffnung / das vnser  
aus gegebē woltatt / wider vmb zu vns tuem. Wir dor  
ffen auch nit klagen / oder vor den richtern handeln / wie  
vns Christus gelert hat. Derhalben haben wir das Si  
bende Ihar / reglich vnd alle tag / vñ kondē nichts / mit  
recht / von dem armen fodern.

War ist / das sie schuldig seind vns in noten wider  
vmb / vñ auch sonste zu helffen / so sie vermoglich seind.  
Aber wir habē das sibende Ihar / vñ konden nit fodern.

Wir sollen auch vnßere augen / keyne zeit / von den armen brüder vn̄ schwestern abziehen / sonder sollen yenen leyhen / des sie bedurffen.

Kurlich wir sollen eynfaltiglich / one alle geferde oder lieftigkeit den armen zu hylff komen. Deu. xv. Damit verbeut die schrift grosse disputation zmachen / ab yemands hilff wol bedarff oder nit. Das ist war / wir sollē alle arbeiten / vn̄ das brot vnßers schweiß essen / vn̄ keiner sich armuts lassen mercken. Aber wan gott eynen arm macht / sollen die reichen wissen / das sie den armen neren vnd erhalten müssen.

Das ist die vrsach das gott eynem zeiten / das brot vor dē maul abschneitt / vn̄ lossen yen not leyden / auff das der reich / dē armē hulff thun soll / vn̄ wissen dzer helfen sal. Derhaben gebet gott / das keyner seinen kornacker / gar / vnd iß auffß erdrich sol abschneiden / vff das / der arme vnd frombde / mensche ehrenpflocken vnd sammeln kan.

Leui. xviii.

Im text (Deu. xv.) volget. Ihr werdet stetz arme leute haben / in der erden eurer besitzung. Drum gebiet ich dir / dastu deine hand / deinem armen vnd notturfftigem brüder solst auff thun. Sih das got spricht / das wihr stetz armē brüder werdē habē. Wir sollē aber doch keyne bethler habē. Das ist der text vn̄ das gotlich gebot / das Christus verneuwet hat / wie obbeturt ist. Das wir keynen bethler sollen haben. Wie woll wir alzeit arme brüder haben. Gott wil vnß auch in allen dingen vn̄ zeiten gebenedeyhē / so wir mit freywilligen hertze / dē armē dienē. Das ist das man sagt / Almussen tilget sunden auß.

Im text volget / So dir ein glaubiger verkaufft ist / vn̄ das sibende ihar komē ist. solstu yen frey gebē vn̄ lassen. vn̄ one dartzu wegstostig / von deiner benedichung. welche dir got hat / gebē. nemlich vō deinē hertē der schaffen. zc. von deinē solner oder bodē do du getreid vff hast / von deiner weinkalttern oder keley / da du wein vnd drancē liegen hast. Deu. xv.

SE

Diser text leret vns / das wir vnserer knecht mayd vnnß  
allerley gesinde nit leere vn letig von vns solle gehn lassen  
sonder sollen yenen gelthilff thuen.

War ist's. das ym hebreischē steht. Szo dir ein hebreisch  
er verkauft ist. Ioch hab ichs also verteußschet. So  
dir ein glaubiger ist verkauft. Dan die schrift nēnet auch  
die yene glaubig oder hebreisch / so in dē hauffen der glau-  
bigen leben / vnd istzeiten geschehen. das got / von wegē  
seiner glorien vnd seines nromens / weinde vertilgt hatt /  
welche / das vermeinte volck gotis geengstigt / habē das  
vor gotlichē augen nit ein gotlich vn glaubig volck war.  
vnd hat das derhalben gethan / das gott sein glorien has  
wollen erhalten. Wie du in vil Propheten lesen magst  
Nemlich das got derhalben auffgestanden ist / vnd rach-  
ung vmb sein vermeinde volck gethon hat / das ym ver-  
stischlich vnd beschwerlich war / wan seine feinde sagten.  
Sih das volck Israhel ist ein volck gotis / vnd wir iagen  
es / wurgen es /. Soliche wort mocht got nit lang duldē.  
Dan wie wol ym / sein genent volck nicht zugehort / dan  
nest wolt er seine glorien vnd seinen nromen verteydigen  
vnd nit gestatten das yem seine gotheit solt angerurt vn  
berembt werden. Derhalben spricht Moses / oder gots  
durch Moses. Du solst nit yn deinē hertzen sagen. Got  
hat vnser feinde vertilget / von wegen vnserer oder meys-  
ner gerechtikeit / vnd vns yn das guth verheischen land  
eyngesurtt. Sonder du solst wissen / dz deyne feynde vß  
wegē yrer Bosheiten fliehen. Drüb solstu wissen (sprichs  
Moses) das dir got / das reich vnd gut land nit hat ge-  
ben / von wegen deyner gerechtikeit / dan du bist ein volck  
des allerhertzen nackens oder halßes. Deu. ix. Denach  
nēne ich die yene hebreisch oder glaubig / die nuh auff der  
gesagte gläubige seiten gehn. Vnd hab Mosy gevolgt vn  
gesagt. So dir ein glaubiger verkauft ist. 2c.

Nuh hoer auch / wie disse verteußung geschicht. Vor

Zeitē mochtē sich die mensche/ eynnander verkauffen/ vñ  
sich des keuffers leib aygen machen. Vñnd die keuffer/  
dorfften yre erkauffte knecht weyder/ eynē andern/ verkauf-  
ffen. Gleych wie eyn er eynen Ochsen verkaufft/ vñnd  
dem keuffer/ leib/ eygen macht/ als noch zu Neapolis vñ  
Rom nicht vngewonlich noch frombd ist. Die selbe  
verkauffte menschen/ zusamt yre kinder/ neent man  
knecht. Von solichē knechtē sagt vnser text/ vñ spricht.

Szo sich ein hebreischer/ dir verkaufft/ vñnd das sibende  
Ihar kombt/ welches eyn ihar ist/ der nachlassung/ frey-  
hung/ abhending vñnd ablosung/ aller schulden. Also  
das selbe ihar/ den schuldigen ein peremptorien exceptio  
gebar vñnd gab/ das die/ so schuldig waren/ ire gäubiger  
stil sweigen vñnd dempffen konten/ nicht weider zuflagē.  
Als Deu. xv. geschriben steht. In dem selben sibende  
ihar/ zutam allē hebreischen knechten vñnd maygden eyn  
freihet/ das sie/ ire herrē letig gebē mustē. Nemlich oder  
wan ein hebreischer knecht maygd eynē verkaufft was/  
vñnd vi ihar dyenet. so must yem sein hebreischer her ym  
sibende ihar frey vñnd letig geben. vñnd yem dar zu hilff  
vñnd steur geben wie oben berurt.

Das soltē der mēschen verkauffer zu Rom/ vñ in allē Chri-  
sten enden ouch thuen. vñnd sie letig vñnd frey geben/ vñnd  
solten sie nit letig machē/ vñnd darnach wider vmb yn diem  
sperteit fordern oder treiben. Dan sie erzornen got/ vñnd  
beflecken das verbindtnis vñnd den nomen gottis/ dye  
so betruglich vñnd listiglich hebreische knechte behalten/  
oder sie wider ruffen/ so sie letig gegeben seind/ Aber sie  
one hilff lassen weeg gehn. Dan gott achts gleych/ als  
wan eyn er seynen nomen/ glorien/ vñnd gebort veracht  
vñnd befleckt / wan eyn er listiglich damit vmbget. Als  
Hieremias am xxxiii. geschriben statt. Liefse Hieremi-  
am durch das gedacht Capitell. so wyrdestu disse materi-  
en auch finden.

Also vnd demnach solten Ebte/ Vicarien/ Pro uencia  
len/ vnd Minister/ vnd der gleichen Mönichen yre ver  
kauffte Brüdern auch letig vnd frey geben/ Vnd nicht als  
lein/ auff ire Begerung/ sie letig vñ frey machē. sonder yet  
gelt oder andere hilff darzu geben. vnd zu den hand wer  
cken helfen/ zu welchē sie lust haben. Auff das sie sich in  
Christlicher weis mochten neren vñ erhalten. Vnd (ob  
sie nit gelt hetten) solten sie vil lieber Kelch vñ Messē  
gewande verkauffē/ vñ ire hebraische. das ist. Christliche  
Knechte letig machen/ Dan Mönigisch leben/ wie es izt  
von den heiligsten ( vnser Bedunckens ) gelebt wirt/ ist  
nicht nutz zu der seligkeit/ es behagt got nicht/ Jha gott  
hasset es. Ursach. Ihre groste stücke/ darinne sie hangē.  
stehend/ vnd arbeiten/ mißgefallen got. als Esa. vñ an  
dere Propheten vnd Christus klar außtrucken. Es wer  
den armen Mönichen vil nutzer/ sie dienten eynē schlech  
ten mann/ dan das sie sich yn kloster neren vnd weydē.

Das ich von dē Mönichē gesagt hab/ das sag ich auch  
von den Nonnen. Der selben armē kinder erbarmet mich  
auß der massen sehr/ Sie mochtē/ vñ würdē one zweiff  
ell gott besser/ yn der welt/ dienen/ dan yn yren vergiffen  
kloster. Also nenne ich sie/ dan sie seind alle boes vñ  
schedlich. voller affters glaubēs/ voller abtgoterey/ voller  
gottis lesterung/ voller vnreynikeiten/ voller Bosheyten/  
Wie woll ire giffte/ mit solchen honig beschmiert ist/ das  
sie yre Bosheyten nyt mogen erkennen. Aber es ist des  
endchristen schuld/ vnd des teuffels will vnd meynung.  
das sie also wie die blinden leben.

Solliche Mönichen vnd Nonnen solten die Obirste/ ietz  
ym sibende ihar letig geben vnd frey machē. Solten yne  
auch steuer vnd hilff verschaffen/ zu elichem leben vñ  
zeytlicher narung. nach vermogen. Dan sie werden als  
Knecht vnd maigde gehalten vnd genent/ vnd haben yhr  
sibende ihar teglich.

Jhn sonderheit seind die Bethler Kloster verbotten/  
vnd sollen nicht mher sein. Dan betlen ist verbotten.



Es hilfft sie gar nicht / das sie willige Bethler seind. Ihr  
will vnd handell ist vnchristlich. Vnd betruglich. vnd  
schedlich. Dan sie haben keynen schein ires betlen in der  
heiligen schrifft. Betrugen offtmals arme vñ reiche vmb  
das ir. Vnd beschertigen / den armen man an foderung.  
der Keesse / Korn / Broth / Byhr / Wein / Testamēt vnd  
allerley. Reissen den armen Kindern auß irem maul / das  
sie selber bedurffen. Soliche knechte. so an dē Bettelstab  
gehn / sollen die Obirste bald lassen faren / vnd yener zu bess  
erm leben helffen.

Alhie hett man eynē loblichen weeg vnd mittell furges  
schlagen / wan got sein gnad geben hett / soliche weeg vñ  
mittell zu volbringen. Vnd seind disse mittell furgeno  
nem. Das man eynē gemeinē Beutel oder Kasten solt  
auffrichten / vñ dar eyn / das eynkomen aller bruderschafft  
ten brengen. Angesehen / das Bruderschafften wider  
gotliche glorien vnd ehre streben. Das sie zerteylung  
machen in Christlicher einikeit. Das sie / ym fressen vnd  
vollsauffen / leben / als eyn fisch ym wasser / vñ ein mauhr  
auff eynē felsche steht. Das sie alle andere verachtē / voller  
nachreden seind / vnd haben vnnutze vnd teuffelische ho  
ffnung.

Es sollen auch zinseder lehen / so vom rath alhie zu lehē  
gehn (wan sie sich durch abstehn oder abgehn der pfaffen  
verlediget haben) zu obgedachten Kasten kumen.

In betrachtung das vil lehen alhie auff Messe gewidēbt  
vñ gestiftt seind. Das dan ein teuffelich dingt ist. Vnd  
wider natur des heilige sacraments. Angesehen auch das  
zu vil pfaffen seind / die weder got nach dem nehsten die  
nen mogen / vnd wellen auch nicht lernen.

Den pfaffen / welche ietz leben / wellen sie weder heller  
noch pfennig abbrechen oder nhemen. Dan sie wissen  
das vnchristlich ist. so ymand betlerey weren wolt / vnd  
wolt neuwe betler / machen.

Auch hette ich gern gesehn / das der stenerin kirchē yer  
lich eynkomen / zu obvermeltem Kasten vnd bruderlicher  
hilff wer gewand.

Aber/ gott sey es geklagt/ dem ichs/ in tiffen/ seuffzen  
Plagen thun/ ich forcht/ vnd merck/ das der Teuffel nit  
ruhet/ verleuset auch seine mühe nit/ vñ machet/ das wir  
vns do forchten/ do keyn forcht ist/ vñ bringe zu wegen  
durch Pfaffen/ das er sonste nit mocht zu wegen bringē.

Dan ich forcht/ das ouch in diesem notdurfftigen vñ  
Christlichem artickell. nit werd gescheen/ das beschlossen  
ist/ vñ solt gescheen/ so wir anders Christen genent vñ  
seyen wollen. Ich hab das meyn gethan. Sie werden ire  
Belonung/ sonder zweyffell bitterlich empffahen vñ füle/  
so diesen beyden artickeln endtegen seyn/ vñ verhyndern  
den rath vnd willen/ des lebendige/ starcke/ warhaffrige  
vñ rachsame gottis. Der almechtig got welle yre steyne  
ein hertze erweychen. Auff das seyne gottliche glorien vñ  
nhomē in vns groß werd. Vnd gleych der selbe lebendig  
vñ barmhertzig got/ woll den Epten/ Monichen/ vnd  
allen vermeinten geystlichen personen. Menliches vñ  
Weybisch geschlechts/ seyne gnad/ vñ erkennenis gottli  
ches willens eyngeden. Damit sie sich endsynnen/ vnd  
yre geferbtes leben/ mit besserem vñ warhafftigem leben  
verwechselfen/ vñ yre arme/ betrogen/ verfurten/ vnd ver  
dorben/ gefangē. letig gebē woltē. Auff dz nach yre wol  
fischen vñ nervischem leben/ eyn brüderlich/ Christlich/  
freundtlich vnd weyß vernufftig leben/ mog endspriffen  
vnd gesehn werden.

In kurzen/ wil gott/ werde ich den Epten. zu Cze.  
vñ Czy. vñ andern/ fur. klo. meynē dienst anbietē/ vñ sie/  
vmb yre verkauffte knechte/ ansuchen/ sie letig/ zugebē/  
oder ire vnchristlich vnd gleißnerisch leben/ in eyn ander  
leben zustellen/ das got beheglicher. vñ Christlicher ges  
meindschafft einlicher/ vnd dē frunden gotis nutzer vnd  
zutreglicher ist. Wil yen das thema erkleren. Nescitis  
quid est. Misericordiam magis volo quam sacrificium 2c.  
Ihr wisset nit ( yr Patres ) was das gesagt ist. Barm  
hertzigkeit wil ich vil mher vñ lieber habē/ dan opffer. vnd  
gotis erkēnis behagt mir herzhlicher/ dan gebrant opfer.

Swere lampeln vñ lichte / geheull vñ beten acht gott gar  
fleyen. Aber seyn laher vñ seyner endkentnis preisset gotts  
hoch. Zur insitzen. Eure rudē streichē. Zur stillschweigē.  
Eure gerunzelte vñ traurige stirn. vnd eur eng ingehaltē  
leben veracht vñ verlacht got. Got wil habē / das ir auff  
anfechtē / not / angst eurer brüder. ya aller menschē / solt se  
hen. vnd alle betlercy / mit gütiger woltat solt vorkumē.  
Ihr helfft nymand besser dan eurem beutell.

¶ Auch bericht man mich / das ir nicht lasset Predigen  
yn euren kloster / Also gebt ir vns anzeig / das ir weder  
got / noch der welt dient / Das vnd andere dingē / wil ich  
euch nach der weit vnd breit sagen. So ir mir nit werdet  
verheischē / das ir hinfuro gestatten vñ verschaffen wolt  
das bey euch / das wort gottis reniglich vñ lawter werd  
geprediget.

Die grohen Klotzer schlepper zu Lausigk / den die zene  
vor altē gifftrigen orem schlappern vñ vor grossen wider  
pellen / wider euangelische warheit außfallen / wil ich zu  
seiner zeit mit gewichtē wasser besprengen / mit welchē  
etliche / bose vñ mattichte würm auß den drinckwassern  
verriagē.

Den vngelarten klaffern / den geolten platten tragern /  
zum heyn. muß ich eyn questē lassen pynden / do mit  
sie yre hundes flohe abstreychen / werden sie  
anders also mit yren mücken / vnd  
pollern / wider gottliche laher  
furtfaren zu wuden  
vñ toben.

Gedruckt zu Wittenberg Nickel Schyrs  
lens / nach Christi geburt Tausent  
funffhundert vñ zway vnd  
zwenzigsten Jar.

Faint, illegible text, likely bleed-through from the reverse side of the page. The text is arranged in several paragraphs and appears to be written in a historical script, possibly Latin or German.








*2*  
*Op 4960*

**ULB Halle** 3  
004 394 453



*Leipzig*







Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Farbkarte #13

Blue Cyan Green Yellow Red Magenta White 3/Color Black



ung der Bylder/  
is keyn Betdler  
er den Chris  
n seyn sol  
len.

in der Christliche  
Wittenberg.  
1522.

